



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs IIII. Cùm inuocarem.

**urn:nbn:de:hbz:466:1-44993**

- 4 Ex te parato semper auxiliū mihi  
Scuto, salutis ac duce;  
Cuius benigno victor ipse numine  
Tollam coronatum caput.
- 5 IAS vocantem & VSQVE sacro me suo  
De monte præfens audijt.
- 6 Pavoris expers noctis horas dormio  
Dulcis soporis arbiter.  
Inde excitatus integerque ad munia  
Reuertor & preces pias,  
Spe vt qui beata nixus IA E commoros  
Susceptus vltro prouido.
- 7 Arcto licet me multa gentis agmine  
Armata vallent millia,  
Omnes & vnum hoc ferui si perant caput,  
Terrere non tamen valent:
- 8 IAS ab alto surge, siste mi, Deus,  
Ades salutis efficax,  
Potens superbis hostibus malas quate,  
Et frange dentes improbos.
- 9 Munimen IAS est pijs tutissimum,  
Salutis ac summum decus.

## PSALMVS IIII.

Cum inuocarem.

## VOLVNTATIS DIVINAE ASSERTIO.

1 Ad præstantem in Neghinoth, Psalmus David.

*Ode Tricolos Tetraſtrophos*

- 2 **O** Sancte nostri pectoris ARBITER,  
Verique compos iudicij DEVS,  
Adsis vocanti seruo in arctis  
Temporibus dubijsque vindex.
- 3 Quis seuenti nam inuidie modus  
Aut quis furori, dicite principes!  
Vanis meum non vos pudebit  
Consilij decus abrogare?
- 4 IA E potentis, discite, numine  
Me tam stupendis crescere dotibus,  
Quem semper ipse IAS vocantem  
Excipiat foueatque custos.
- 5 Ergo tremenri consilio exciti,  
Errore duci parcite deuio, ac  
Versate per noctem modestas  
Corde nouum sapiente curas.



## LIBER I.

36

- 6 Puri innocentes officij vices  
 Atis placentem ponite victimam;  
 Mollibit auersum Tonantem hæc,  
 Credite, spemque dabit secundam.
- 7 Incerta veri turba rogat bonum,  
 Hoc inquietis & studijs petit:  
 Istius at vultus Deus mi  
 Da iubar emicuisse faustum.
- 8 Nil ipse mirans, nil cupiens mihi,  
 Horum beatis gratulor horreis,  
 Vndantis & musti lagenas  
 Specto probans oculo irretorto:
- 9 Dum solus adsis tu mihi maximus  
 Thesaurus I A S alma beatitas:  
 Te namque sortitus benignum,  
 Nil metuam cupiamue præter.

## PSALMVS V.

Verba mea auribus percipe Domine.

## EFFICACIS APPELLATIONIS VOTVM.

1 Ad præstantem super Nehiloth, Psalmus David.

Ode Dicolos Distrophos.

- 2 **A**uribus attentis I A S mea dicta reconde,  
 Mœstam & querelam percipe:
- 3 Teque meos gemitus, Regemque, Deumque vocantis,  
 Sentire curator proba.
- 4 I A S manè tuas mea vox pertingat ad aures,  
 Te manè nam spectans peto.
- 5 Nec placet improbitas forti tibi, nec malus arces  
 Diuertet hospes in tuas.
- 6 Te tumidus procul absistit iactator, & omnis  
 Inuisus est prauus tibi.
- 7 Vaniloquos perdes I A S: foetentque cruenti,  
 Et fraudis auctores, Deo.
- 8 Ipse pius sacra templa, tuas ædesque reuisans  
 Magnæ salutis conscius:
- 9 I A S insidijs tutum me tramite recto  
 Deductor æquus perferas.
- 10 Nil firmum ore sonant, meditantur pectore iniqua hæc  
 Queis guttur vt bustum patet.  
 Multifida lingua artifices miscere venenum;
- 11 Hos **A R B I T E R** tu respue.  
 Degeneres tibi que aduersos impelle sinistra in  
 Commenta casuros sua.

B §

Ab